

آبونه شرایطی

ممالک عثمانیه ده سنه لیک (۶۵)، الق
آیلنی (۳۵) غروشدور .

ممالک اجنبیه ده سنه لیک (۱۷)، الق
آیلنی (۹) فراقدر .

اداره خانه

باب عالی جاده سیده دایره مخصوصه

اضطرابات

آبونه بدلی بشنور .

§

مسلمه موافق آثار مع الجنویه قبول
اولنور . دوج ابدلین یاریلر احاه
اولونماز .

الشریفات

اضطرابات

رساله من آله بنی کو . قریک شرطیله
توون یاریلر هرمانکی غری طرفدن
اتاس واولنه یایر .

§

تکریرلرله ، خذالک وضع واولوناقلی
اولا ، واولنا ، نو سوسی محتوی
ولونماز لاریدر .

§

ممالک اسییه انجور آبونه اولانلرک
آدرسلرینک فرانسزیده یارلیک رجا
اولنور .

§

باره کوندرلیدیکی ، ان نه یه د تراوالدینک
واشعا ، ییلک براسی رجا اولنور .

۱۳۳۰ ۱۳۳۱

عدد ۲۶۳

۱ ذی القعدة ۱۳۳۱

پنجشنبه

۱۹ ایلول ۱۳۲۹

جلد ۱۱

و تعلقاته ، بویوکاره ، مسلمانلره ، سائر انسانلره قارشی اولان وظائفی .
 ج : بویوکارک کؤچوکاره قارشی اولان وظائفی .
 ه : هر کتک و طنه ، آسزله ، حکومت قارشی وظیفه لری .
 و : خصوصی و عمومی مجلس و مجاللرده ، صفرده ایکن مکلف اولدیمیز وظائف حقنده .
 ز : مملکتک تشکیلات اداریه ، تشکیلات عدلیه و تشکیلات عسکریه سی ، مأ و ورلری ، حکومت ، مجلس اعیان ، مجلس مبعوثان ، انتخابات حقنده معلومات بجه و یریلیر .
 ح : تحصیل ابتدائی ، عسکرک ، ویرکو حقنده ایضاحات اعطا ایدیلیر .
 ط : جریت ، عدالت ، باشقهرلرک عقیده سنه احترام ، قانون حقنده .
 ی : اخوت انسانیه و اسلامیه حقنده .
 ۱۱ : معلومات ذنیه و صهییه . ب : وجود و تشکلات بدنیه ، فعالیت حیاتیه ، وظائف اعضا ، خواص و بونلره عائد تدابیر صهییه حقنده .
 ج : فائده لی و ضرر لی اولانلری ایضاح ایدیلک اوزره مأ کولات و مشروبات حقنده .
 د : حیوانات ، نباتات و معدنیات حقنده معلومات بجه .
 ه : حکمت و کیمیا به دائر معلومات ابتدائی .
 ۱۲ : حسن خط : اصولی و جمله ایلر و به کتیریلیر .
 ۱۳ : رسم : جسمارک ، موده لارک رسملری آلق ، کولکه و یرمک .
 ۱۴ : عملی زراعت : بجه لارک تنظیم و طراحی ، بستانلر و سبزه و یشدیر .
 یلاری ، صولمه لری و سائر حقنده عملی معلومات و یریلیر .
 ۱۵ : موسیقی صوتی : علی الاصول ایلر اولدیلیر .
 ۱۶ : ادمان : اسوچ اصولی و جمله یایدیریلیر .
 ۱۷ : کتابت : معلم افندی شفاهاً کوچوک برحکابه سولیر . حکایه نک خطوط اساسیه سن کوستیریر . حکایه نک نه یولده توسیع - نه یولده یازیله جفی حقنده ایضاحات و یرر . طلبه درسدن درسه تدریجی بر صورتده اصولی و جمله تخریره آلیشدیریلیر . طلبه نک خطالری آیری آیری تصحیح ایدیلکدن سوکره طلبه نک مستفید اوله جفی بر صورتده عمومی ایضاحات و یریلیر . ده صوکرالری بر مقصد ضمننده اولق اوزره ابویه ، اقبایه و سائر کیمسه لره ، تمیز و اوقوافلی بر صورتده مکتوبلر یازمق اصولی کوستیریلیر ، بوباده ملکه ایدیمه لرینه چالیشیلیر .
 صوڭ

[طلبه قیدینه باشلانیشدر]

فلسفه

ایران قدیمده دین

اساس اعتباریه وحدت معبود (Monotheisme) عقیده سن تعلیم ایدن زردشت مذهبی ، قبایح و ظلماتک (نور) اولان هر مزه استناد ایدلمه سی ایچون ظاهرأ ثنائیه (dualisme) رنگنه بویامیشدر .
 زردشت علماسی خلقت کائناتی ایکی مبدئه (principe) ارجاع ایدن بورنکی تحلیل ایچون دیورلرکه : عالم ، شر و خیر ، ضیا و ظلمت ، حق و باطل ، روح و ماده کبی بریسی (حسن) دیکری (قبیح) اولق اوزره ایکی اصلدن مرکبدر . بویاکی اصلی ایکی مبدئه ارجاع ایتک لازمدر . چونکه (نور) اولان (هر مز) دن قبایحک صدوری مستحیلدر . او حالده جهانده (حسن) اولان هر شی هورموزه نسبت

ایدلیدیکی کبی قبایحکده آهریمانه اسناد ایدلمی ایجاب ایدر . زردشتیلره کوره خلقتدن اول هر مز ، هر شیئک فوقنده اوله رق علم و حائیت تامه سیله ضیای کائنات ایچنده بولینیوردی . هر مز علم محیطی ایلهر شینی و وقوعندن اول کوردیدیکی کبی وقوعندن سوکرده نه کبی شیلر انتاج ایده جکارسه اولنریده بیلدیکندن اعمال خاقتی عامنه کوره ترتیب ایده رک مقدس کله بی ایراد ایلش و جهان یاراتیلمشدر . یعنی هورموز کائناتی بالعمل دکل ، مقدس (کله) ایله خلق ایلشدر [۱] .

هر مزه پایه خالقیت و یرن زردشت ، آهریمانی هیچ بر زمان بو قدر بلند بر مرتبه به اعلا ایتمه مشدر .

عنعات زردشتیه به نظرأ آهریمان یایدینی شیلرک نتایجی اولدن کوره بیامک اقتدارندن محرومدر . او ، افعالنک انتاج ایتدیکی آثار تخریبی آنجق بعدالفعل مشاهده ایده بیلیر .

خیر ، شردن اول اولدینی کبی دایمده شره غالبدر و بزرگون کله جککه ضیا ، ظلمتی ؛ خیر ، شری بالکلیه بلع ایده جکدر .

زردشت مسلککه نک یقیندن مربوط اولان غنوستیسیم (Gnosticisme) ومانی (manichéisme) مذهبلری ایسه خلقتی صدور و تجلی (émanation) سیستمی ایله ایضاح ایلشدر .

بومذهبلره کوره هر مز ، ازلیت (l' éternité) و یالاتناهیته (l' infini) برنجیسیدر . اولجه سینئه لایتناهیته ده ظلمات (les ténèbres) ایله قاریشمشدی . عالمده هر مزک برنجیسیدر .

فقط هر مز ، موجوداتی دوغریدن دوغری به بالفعل یاراتمه مشدر . اولنری بر (کله) یعنی مقدس هونوور (Honover) ایله یاراتمشدر [۲] . بو عقیده زنداوه ستانک شوسطرلرندن استخراج ایدلمشدر . زنداوه ستاده زردشته خطاباً دینیلورکه : (ای زردشت ! سکا آچیقجه سوبادیورم ، مطهر و مقدس کله (هونوور) ، سمدن اول ، صودن اول ، ارضدن اول ، سوریلردن اول ؛ آغاجلردن اول ، هر مزک اوغلی آتشدن اول ، انسان کاملدن اول ، دیولردن اول ، فائده لی و ضررسز حیوانلردن اول ، عوالمک کافه سندن اول ، بوتون خیرلردن اول و الحاصل هر مزک و یردیکی بالجمله صاف و مزکی جرئومه لردن اول موجود ایدی . شوسوزلردن آکلاشیایدیغنه نظرأ ازل و یا نامتناهی به نسبتله هر مز نه ایسه ، هر مزه نسبتله (کله) ده اونندن عبارتدر :

یعنی کله هر مزک فکری ، روحی ، خیالی و بناء علیه بوتون کائناتک منبع وجودیدر . (کله) خلقتدن اول موجوددر و کائنات بو (کله) دن صدور ایلشدر .

[۱] زردشت تورانک روایتی کبی جناب حق حاشا بر عمله صورتنده تصویر ایتیه جک قدر علویت فکریه کوسترمشدر .

حکمت اسلامیه ده خلقتی (کن) امریه ایضاح ایلکده در .

[۲] زردشتارک کله مقدسه لری یعنی هونوور (honover) لری ایله اسکندریه نک یکی افلاطوک مکتبکک لوغوسی (lugos) شبه یوق که عینی شیی اولوب هر ایکسی ده امر تکویندن عبارتدر .

زند او دستاده دینیلورکه : (آهریمان اونلرک (مشیا و مشیانه نك)
افكارینی استیلا ایتدی . و کندیلرینی اضلال ایدرک دیدی که :
صوبی ، ارضی ، آغاچلری و حیوانلری یاراتان آهریماندر . ایشته
آهریمان اونلرک حضورینی بوصورتله اخلاص ایتدی . ونه ایشته قدر بو
ظالم اونلری اغفالدن باشقه برشی دوشونمندی .

آهریمان بو صورتله قازاندینی ایلاک مظفریتک نشو سهیله اکتفا
ایتمه مش ، شرور و معاصیتک تعمیمندن عبارت اولان غایه سنه واصل
اولق ایچون هیچ بر فرصتی فوت ایتمه مشدر . زند او دستا آشاغیکی
سقطرله بو نقطه یی ایضاح ایدرک دیورکه : (یالاندن باشقه برشی
سویله مین (دیو) دها زیاده جسارت بوله رق ایکنجی دفعه مشیا
و مشیانه نك یانلرینه کیتدی و اونلره برطاقم میوه لر کوتوردی . بوغافلار
او میودلری ییدیلر و او آندن اعتباراً ؛ اولجه بخش ایدلش اولان
یوز قدر مظهریتدن کندیلرنده آخق بر تانه سی قالدی .)

زاندو دستا ، مشیا و مشیانه نك بر اوچنچی دفعه دها اغفال ایدیلرک
سوت ایچدکلری ، دوردنچی اغفالده آوه کیتدکلری ، اوردقلری
حیوانک اتی ییدکلری کی در یسندن ده البسه و کوماک یامش اولدقلری ده
اوزون اوزادی به آکلاتیور ! ...

م شمس الدین

مقالات

مصابحه

مسلمانان قیافنده کزیه بر برتسمانه میسیونری اید

۲

میسیونر اولدیننی صوکر دن اکلادیغ یعقوب اسمنده اولان بو
ساخته مسلمانک مطالعاتی کال حیرتله دکله دکن صوکره بنده شو یولده
مقابله ده بولندم . - افندی ، سردایش اولدینکیز مطالعاتک شق اولی بر درجه یه
قدر طوغری اولقله برابر ایکنجی قسمی سزک اکلادیغکز کی دکلدر .
اوت ، بنده تصدیق ایدرم که : محمود اسعد افندی حضرتلری بعض
کره کندی مطالعه سی ایله میسیونرلرک یازینسی پک او قدر آرمیور ؛
ایکی مطالعه بیننده کی فرق یالکیز برینک اون ایکی بونطو ، دیکرینک
اون آلتی بونطو یازی ایله دیزلمی اولیور ؛ مع هنا بوبر خطا دکلدر ؛
بالطبع بوکی یازیلری او قومق استعدادی اولان کیسه لر بونی کلازلر .
آنک ایچون درکه هر زمان تصریح لزوم کورمیور .

ایکنجی جهته کنبه : عزیزم ، سز بوراده چوق خطا ایدمیور سکز ؛
سزک بو مسئله ده - مع التأسف - بوتون بوتونه جاهل اولدینکیز اکلاد

شیلور . مساعده کزله بونی ایضاح ایدیم : تورات ، زبور ، انجیل
کی کتب سهاویه یه ده اعتقاد ایدلمی لزومی قرآن کریم حقیقه بیلدریور .
کتب سهاویه نك هپسنه ایمان ایتمه نلرک ایمانی مقبول دکلدر ؛ اونلره
مسلمان نظریله باقیلماز . مسلمان اولا بیلمک ایچون جناب حق
طرفندن پیغمبرلرینه منزل اولان کتب سهاویه نك حق اولدقلری تصدیق
ایتمک لازمدر . فقط بو ، سزک اکلادیغکز کی حال حاضرده یهود
ونصارا اللرنده متداول اولان عهدعتیق ، عهد جدیدی تصدیق و آنلره
ایمان ایتمک لازم دیمک دکلدر . چونکه بونلر جناب حق طرفندن
پیغمبرلرینه کوندریلن کتابلر دکل ، بلکه یهود و نصارانک کندی
کیفیرینه کوزه اویدوردقلری شیلدر . بو کتابلری او قومش ایسه کز
کورمش سکز درکه : تورات ، انجیل نامی ویریان بو کتابلردن بر چوق پیغمبرلرک
حاشا زانی اولدیننی اکلاد شیلور . پک اعلا شمدی الله طرفندن منزل اولان
بر کتابده پیغمبرلر زانیه نسبت ایدیلر می ؛ بونی هانکی مسلمان قبول ایدر ؟ علمای
اسلامیه نك بونلری طعن و تشنیع ایتلری پک حقیقی در . بونلری اوقویان
کیسه نه قدر فکر منور اصحابندن اولسه یه بونلری طعن ایتمکدن کری طورماز .
مذاهب اربعه ایله یایدینکیز قیاسده ده چوق خطا ایدمیور سکز . سز تورات ایله
انجیل یالکیش اکلایه رق محاکمه لری کزی ده او یولده یوروتمش سکز ؛ سز بو
محاکمه یی کندی عقلکیز ایله می یاییور سکز ، یوقسه بشقه طرفدن آلدینکیز
بر فکر اوزینه می ؟

— خایر افندم . بن یالکیز عقل ایله حرکت ایتمیورم ، بالطبع
اولجه بنده هر مسلمانک اعتقاد ایتدیک کی کتب سهاویه نك هپی جناب
الله طرفندن منزل اولوب ، بونلرک جاهلی حق کتابلر اولدیننه اعتقاد
ایدیوردم . فقط دها تحصیل فلان کورمدن بوقوری بر اعتقاد ایدی .
اما صوکره لری تحصیل کوردکجه قرآن کریمده تورات ایله انجیلک صحتنه
دائر کورمش اولدینم بر چوق آیات کریمه بوبابده کی اعتقاد می قوتلشدیردی .
شمدی بنده اولان اعتقاد او آیت کریمه لر اوزینه مستنددر . ذاتاً بتون
حرکاتی فلان و یا خود فلان کیسه نك قولنه دکل ، یالکیز قرآنه تطبیق ایدرم .
چونکه قرآن الله تعالی نك کله سی در ؛ « کلمه الله هی العلیا » بیورلمشدر .

— تورات ایله انجیلک صحتنه شهادت ایدن قرآن کریمک هانکی
آیتلری در ؛ بونی لطفاً سویلر میسکز ؟

— افندم ، بو آیتلر ذات عالیلر نه ده معلوم اولدیننی جهته بونلری
سزه سویلک معلومی اعلام . قیلندندر ؛ مع مافیه مادامکه سویله می
ایستیور سکز ضرر یوق سویلیم . اکلادینم ، یا خود خطا ایتدیکم
جهتلری ده او کرشم اولورم ، چونکه بویه بر فرصت برده اله کیمز .
— های های ! یکدیگریمزدن استعاده ایدر . ذاتاً مباحثه بر طرفک

مالی دکلدر ؛ هرا یکیمز ده بیلمه دیکمزی اوکره نیرز . اولورکه بو خصوصه
بنده کزک جهاتم واردر . جهلی ازاله ایتش اولور سکز ؟

— افندم ، برکره جناب الله قرآن کریمنده بیوریورکه :